

GAZTETU HERNANI

GAZTEEK GAZTEENTZAT EGINDAKO PROZESUA

| **Beatriz Mena (Udal Haur eta Gazteria teknikaria).**

2014ko martxo eta 2015eko urtarrila bitartean AZTIKER Kooperatibak, Hernaniko Udalaren eskariari erantzunez, prozesu parte-hartzaile bat abian jarri zuen herriko gazteekin batera, euren interesak, gogoak, kezak eta ametsak aztertzeko. Horietan oinarrituta, gazte politikak zertan eragin beharko lukeen, eta erronkak zeintzuk lirartekeen azaleratu eta aztertu zen. **GAZTETU HERNANI** izenarekin zabaldu zen prozesua bera.

Prozesua 15 eta 30 urte bitarteko gazteengan zentratu zen, parte-hartzaileen perfila honako hau izanik: 16 eta 21 urte bitarteko gazteak, gizonezkoak nagusi nahiz eta aldea oso handia ez izan. Partaidetza kopuruak ez zuen behera egin prozesu osoan zehar, eta lan saioetan 22 eta 39 pertsonen artekoa izan zen.

Prozesu parte-hartzaileak metodologikoki fase ezberdinak izan zituen:

- Gazteen errealitatearen argazki bat ateratzeko, bigarren mailako datuen ustiaketa burutu zen, iturri ezberdinak aztertuz: Udal Errolda, Eustat, INE, SEPE,... Diagnosiaren beste zatia, gazteria egoeran eta gazte politiken azterketan, adituekin elkarriketak eta udal ordezkariekin lan-saio bat egin zen.
- Sakoneko elkarriketak, Hernaniko gazteei zuzendutakoak, banakakoak (8 emakume eta gizon) eta talde-elkarriketak (3 talde, adin-tarte ezberdinak kontuan harturik, guztira 14 neska-mutil). Gazteen aukeraketa egiteko, neska eta mutilak, antolatuak eta antolatu gabekoak, hizkuntza ohitura ezberdinak eta klase ekonomikoa izan ziren aldagai nagusiak
- GIAP talde dinamizatzailaren eraketa: prozesuko saioetan erabiliko ziren dinamikak, eta berta tik ateratako ekarpenekin, prozesuaren gidaritza egin, eta urrats bakoitzaren ezaugarriaketa zehaztasunak erabaki zituen, behar besteko moldaketak eginez. GIAP taldeak (Ikerketa, Ekintza eta Parte-hartzerako taldeak) prozesuaren zailtasunak identifikatzea, horiei alternatiba posibleak bilatzea, eta komunikazio-estrategiak definitzea ere bere funtzioen artean izan zituen.
- Aurkezpen-saioa: WORLDKAFFEA. 2015eko urrian prozesuaren aurkezpen publikoa egin zen, diagnosiaren lanketa kolektiboaren abiapuntua, alegia. "ZER DA GAZTE IZATEA 2014ko HERNANIN?" galderari erantzuna ematen hasteko ekimena izan zen.
- Gaikako saioak: 4 saio egin ziren, gaiak honako hauek izanik:
 - **Espazio publiko nahiz pribatuen erabileraren gaineko ohiturak.** Erabilitako teknika "Rule mapeatuta" izan zen. Gazteak taldeetan banatu, eta herriari buelta bat emanez, gazteak zein eremuetan bildu eta egoten diren identifikatzea izan zen helburu nagusia. Gune erabilienak: kaxkoa, kirol instalakuntzak, plazak, tabernak, lokalak eta gaztetxea.



- **Gazte eta gazte koadrilen arteko harremanak.** Harremanak mediatizaturik agertzen dira teknologi berriengatik, kuadrilak beren artean nahasteko ohiturarik ez dute (Gazte Olinpiadetan salbu), eta harreman hori ahalbidetzeko ekintzak edo ikastaroak egiteko proposamenak jaso ziren.



- **Gazte Politika baten balizko lan-lerroak.** Gazte guztien interesekoak diren hiru esparru zehaztu ziren: aisialdia (adin guztietako interesa), enplegua eta etxebizitza (adinez nagusiagoak direnen interesa). Aisialdiaren esparruan gazteek beren ekimena eta autonomia aldarrikatzen zuten, Udala beraiek antolatutako ekintzen laguntzaile eta babeslea izanik.
- **Gaztea eta administrazioaren arteko elkarlanerako balizko espazioak.** Elkarrengandik gertuago sentitzeko, eta zuzeneko harremana ahalbidetzeko foro iraunkor bat proposatu zen, gazteak eta Udalaren artean: GAZTETU HERNANI gazte-kontseilua.



Prozesuaren ondorio zuzena eta ukigarriena **gazte-kontseilua sortzea izan zen**, hasiera batetik gazte ezberdin eta askotarikoentzat erabilgarri izateko helburuarekin sortutakoa. Jorrazteko lehenetsi zituzten gai edo egitekoak hauek izan ziren:

- Etxebizitzaren gaiarekin alokairu soziala bultzatzea.
- Lanaren eremuan gazteei aukerak eskaintzea.
- Gazteen arteko harremanetan bestelako ereduak saiatzeko bitartekoak jartzea.

GAZTETU HERNANI prozesua abiapuntua izan zen Hernaniko Udalak Haur eta Gazteria Politika garatzeko hurrengo urratsak emateko. Gipuzkoako Foru Aldundiarekin epe ertain - luzeko hitzarmen bat sinatu zuen, Hernanin Haur eta Gazteen Sustapenerako Sistemari (GAZTEMATIKA) esku-hartzeko planteamendua garatzeko.

Oinarrian Gazteria Politikak herriko haur, nerabe eta gazteei arreta egonkorra eta etengabea eskaintzea du helburu, bi zentzuetan:

- Berezko balioa eta esanahia duen bizi-etapa gisa.
- Gaitasun pertsonalak eta gizarte-loturak landuz, ikasiz eta indartuz, pixkanakako emantzipazio prozesu bat izateko; hau da, heldutasunera arrakastaz eta asetasunez igarotzeko aukera ematen duen etapa-gisa.

Helburu hauek betetze aldera, adin-tarte bakoitzari zerbitzu iraunkorrak eskaintzea proposatzen da, beraien artean lotura izango dutenak. Helburuak berdinak izanik, adin-tarte bakoitzarekin planteatzen den metodologia egokিতuta dago adin-tarte bakoitzaren ezaugarriari eta beharrei.



Hernaniko herrian Gazteekiko politikak garatzeko estruktura bat sortzea beharrezkoa ikusten zen aipatutako esku-hartze planteamenduan: aurrekontu bateratua, arduradun teknikoaren funtzioak eta ardurak argi definituak, zerbitzuen eta beste sailekin koordinatuta, bai eta zerbitzu eta komunikazio sare bat sortuta ere. Horrela, aurrera begira lan dinamika propioa eta iraunkorra sortu ahalko litzateke.

2015eko irailean Haur eta Gazteria teknikaria kontratatu zen, esku-hartze proposamen hori aurrera eramateko. Lehenbiziko zeregina izan zen GAZTETU HERNANI gazte-kontseiluak lehenetsitako gaietako bat jorratzea: etxebizitzaren alokairu soziala bultzatzea. 2015erako aurrekontu parte-hartzaileetan adostutako ekimenetako bat ere bazen, gazteei nahiz helduei zuzendutakoa, eta finantziario-iturria hori izan zen. Horretarako, deialdi berezi bat zabaldu zen Hernaniko herrian etxebizitzak alokairuan hartzeko diru-laguntzak banatzeko. Baldintzak gazte-kontseiluan landu eta adostu ziren. Deialdira 74 eskari aurkeztu ziren, eta behin betiko ebazpenean 57 eskari onartu ziren, guztira 96 herritarrengana iritsiz. 57 eskarietatik 42 gazteenak izan dira (18-35 urte bitartekoak), eta 15 izan dira 36 urtetik gorako herritarrek egindakoak. Diru-laguntza hauek 12 hilabeteetarako ziren, eta kopuruen batz bestekoa urtean 2.300 eurokoa izan zen.